



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1616.

urn:nbn:de:hbz:466:1-29436

Mense Julio in conventu Cleri Gallicani Parisiis habito satagente imprimis Cardinali Rupi Focaldo unanimiter recipitur Oecumenicum Concilium Tridentinum.

Inter Sabaudum & Hispanum, qui partes tuebatur Mantuani in causa Montferratensi, pax constituitur.

Eadem instauratur Viennæ in annos 20 cum Cæsare à legatis Turcicis; inter Polonos verò & Moschos frustra tentatur.

Chamus Tartarorum Tauricanorum devastat Russiam, Russi econtra Ducibus Vifnovocio, & Corecio depopulantur Daciam occiso ejusdem Regulo, in cujus locum sufficiunt Michailonem.

Patriam suam gloriosâ morte hoc anno illustravit Joannes Ogilbeus nobilis Scotus Soc. Jesu Sacerdos, in odium fidei Catholicæ trucidatus ab hæreticis in urbe Glasguensi Regni Scotiæ.

ANNUS 1616.

INter Hispanum & Sabaudum recrudes-
cit bellum in Italia, & acriùs quàm antea geritur, nescio Sabaudis minis Hispanicis cedere; pacem interim procurantibus Paulo V. per Archi-Episcopum Bononiensem, & Rege Galliæ per Philippum Bethunium.

Mense

¶ Mense Majo componitur discordia Principum & Regis Galliæ, redeunris Lutetiam cum Reginis matre & conjuge. ¶ Princeps Condæus cum reliquis fœderatis Regi accedit, sed ob novas suspiciones calendis Septembris detentus in palatio regio mittitur in custodiam arcis Bastillæ.

¶ Turcæ passim terrâ marique cæduntur. In mari mediterraneo ab Hispanis separatim, à Florentinis ac Melitensibus unitim : ad paludem Mæotidem à Cofacis, in Asia à Persis, ubi illorum 40 millia peste ac ferro periisse dicuntur.

¶ Status Hollandici Flissingam, ac alias quasdam arces traditas olim Elisabethæ ad obtinendas ab ea suppetias numeratâ pecuniâ recuperant à Rege Jacobo.

¶ In Imperio Sinensi auctus paulatim numerus Christianorum, quibus accesserunt quatuor è primaria nobilitate Mandarinî laureâ Doctorali summisque in aula Imperatoris officiis insignes. Eodem hoc anno solvit Nicolaus Trigautius Soc. Jesu cum sociis 21. omnium ferè Principum Catholicorum Europæ instructus donariis ejus generis & artificii, quibus creditur ingeniosa & erudita illa natio pellicienda ad favendû rei Christianæ,

Anno eodem octo PP. Soc. Jesu fidem Barbaris Tepeguanis in nova Hispania annunciatam fuso sanguine subscripserunt.

ANNUS 1617.

Romæ mense Julio promulgatur Jubilæum sacrum.

In Germania celebratur à Lutheranis Jubilæum vanum, quòd hic annus esset centesimus à defectione Lutheri ; cusa in hunc finem numismata aurea & argentea cum inscriptione : *Lutheranum Saculum 1617.*

Matthias Imperator adoptat in filium de consensu fratrum , Maximiliani supremi Magistri Ordinis Teutonici, & Alberti Belgarum Principis , carentium liberis Ferdinandum Archiducem, Ducem Stiriaë, Ferdinandi I. ex filio Carolo fratre Maximiliani II. nepotem, & ditionum possessionumque Austriacarum hæredem scribit.

Anno eodem mense Majo coronatur Ferdinandus Rex Bohemiaë.

Sectarii denuò coëunt Heilbrunnæ, ubi nequicquam dehortante Cæsare superiorum temporum fœdera confirmant, & nova cum exteris ineunt.

In Gallia Concinus Florentinus Marschallus Franciaë favore Reginaë matris nimis

mis